

1884

吳都文粹續集

皇朝文獻通考

卷一百一十五

欽定四庫全書

吳都文粹續集卷二十三

明 錢穀 撰

山水

五湖賦

此賦出藝文類聚上
下有缺文重其古也錄之

楊泉

乃天地之玄源陰陽之所徂上值箕斗之精與雲漢乎
同模受三方之灌溉為百川之巨都居揚州之大澤苞
吳越之具區南與長江分體東與巨海合流太陰之所
嚮玄靈之所遊追湖水而往還通蓬萊與瀛洲爾乃詳

觀其廣深之所極延袤之規方邈乎浩浩漫乎洋洋西
合乎濛汜東苞乎扶桑日月於是出入與天漢乎相望
左有包山連以醴瀆岑嶸崔嵬穹窿紆曲右有平原廣
澤蔓延旁薄原隰陂阪各有條格茹蘆葢藟隱軫肴錯
衝風之所去零雨之所薄

初學記收楊泉五湖賦

作西晉楊泉與前
文不同復錄之

余觀夫主五湖而察其雲物皇哉大矣以為名山大澤
必有記頌之章故梁山有奕奕之詩雲夢有子虛之賦

夫具區者揚州之澤數也有大禹之遺跡疏川導流之功而獨闢然未有翰墨之美余竊憤焉敢忘不才述而賦之其辭曰濬矣大哉於此五湖乃天地之玄源陰陽之所徂上屬斗牛之精與雲漢乎同模受三方之灌溉為百川之巨都居揚州之大澤包吳越之具區南與長江分體東與巨海合流太陰之所必玄靈之所遊追潮水而往還通蓬萊與瀛洲

五湖記

王鏊

吳郡之西南有巨浸焉廣三萬六千頃中有山七十二

襟帶三州

蘇湖常也

東南諸水皆歸焉其最大者二一自寧

國建康等處入溧陽迤邐至長塘湖并潤州金壇延陵

丹陽諸水會於宜興以入

今寧國建康之水不由此矣

一自宣歙天

目諸山下杭之臨安餘杭湖之安吉武康長興以入而

皆由吳江分流以入海一名震澤書所謂震澤底定是

也一名具區周禮職方氏其澤藪曰具區山海經浮玉

之山北望具區是也一名笠澤左傳越伐吳吳子禦之

笠澤是也一名五湖范蠡乘舟出五湖口太史公登姑
蘇望五湖是也五湖者張勃吳錄云周行五百里故名
虞仲翔云太湖東通華亭松江南通烏程霅溪西通義
興荆溪北通晉陵潞湖東連嘉興韭溪水凡五道故謂
之五湖陸魯望云太湖上稟咸池五車之氣故一水五
名然今湖中亦自有五湖曰菱湖莫湖游湖貢湖胥湖
莫釐之東周三十餘里曰菱湖其西北周五十里曰莫
湖長山之東周五十里曰游湖公無錫老岍周一百九

十里曰貢湖胥山之西南周六十里曰胥湖五湖之外
又有三小湖夫椒山東曰梅梁湖杜圻之西魚查之東
曰金鼎湖林屋之東曰東臯里湖而吳人稱謂則惟曰
太湖云

自蠓山東望震澤

鮑照

瀾漫潭洞波合杳崿嶂雲漲島遠不測崗澗近難分幽
篴愁暮見思鳥傷夕聞以此藉沉疴棲迹別人羣結言
非盡書有念豈敷文

泊震澤口二首

薛據

日落草木陰舟徒泊江汜
蒼茫萬象開合杳聞風水洄
泂值漁翁竄篠逢樵子雲開
天宇靜空明照萬里早雁
湖上來晨鐘海邊起

獨坐嗟遠遊登岼望長洲
寥落星欲盡曛曠氣漸收行
藏空自秉知識仍未周
伍胥既伏劍范蠡亦乘流
歌竟鼓枻去三江多客愁

泛五湖效謝惠連

李紳

范子蛭冠履扁舟逸霄漢嗟予抱險艱怵惕經瀰漫窮
通汎濫勞趣適殊昏旦浴日盪層空浮天森無畔依灘
落葉聚立浦驚鴻散浪疊雪峰連山孤翠厓斷風帆向
巨壑雲矗成高岼宇宙或東西星辰沉粲爛霞生瀕洞
遠月吐青熒亂豈復問津迷休為呂梁嘆漂沈身詎保
覆溺心長判吳越郡異鄉嬰童及為翫依稀古井邑嘹
唳同鷺鸕舉棹未宵分維舟方日旰徵斯濟川力若鼓
凌風翰易狎當悔游臨深罔知難

太湖秋夕

王昌齡

水宿烟雨寒，洞庭霜落微。
月明移舟去，夜靜夢魂歸。
暗覺海風度，蕭蕭聞雁飛。

泛太湖書事寄元微之

白居易

烟渚雲帆處處通，飄然舟似入虛空。
玉杯淺酌巡初匝，金管徐吹曲未終。
黃夾纈林寒有葉，碧琉璃水靜無風。
避旗飛鷺翩翩白，驚鼓跳魚撥刺紅。
澗雪壓多松偃蹇，岩泉滴久石玲瓏。
書為故事留湖上，

所見勝景多記
在湖中石上吟

作新詩寄浙東軍府威容從道盛江山氣色定知同報
君一事君應羨五宿澄波皓月中

早發赴洞庭舟中作

闔閭曙色欲蒼蒼星月高低宿水光棹舉影搖燈燭動
舟移聲曳管弦長漸看海樹紅生日遙見包山白帶霜
出郭已行十五里唯消一曲慢霓裳

宿湖中

水天向晚碧沉沉樹影霞光重疊深浸月冷波千頃練

飽霜新橘萬枝金
幸無案牘何妨醉
縱有笙歌不廢吟
十隻畫船何處宿
洞庭山脚太湖心

夜泛陽隄入明月灣寄崔湖州

湖山處處好淹留
最愛東灣北隄頭
揜映橘林千點火
澄泓潭水一盆油
龍頭畫舸銜明月
鵲脚紅旗蘸碧流
為報茶山崔太守
與君各是一家游

泛太湖

方干

長天接廣澤
二氣共含秋
舉目無平地
何心戀直鉤
孤

鐘鳴大岼片月落中流却憶鴟夷子當時此泛舟

湖中曲

李商隱

閭門日中吳歌遠陂路綠菱香滿蒲後溪暗起鯉魚風
船旂閃斷芙蓉榦傾身奉君畏身輕雙橈兩槳尊酒清
莫因風雨罷團扇此曲斷腸惟此聲低樓小徑城南道
猶自金鞍對芳艸

除夜寄羅同年

王禹偁

郡僚方賀正獨宿太湖稜塔下羞為吏船中祇載僧折

梅和薄雪煮茗對孤燈應笑排衙早寒靴踏曉冰

舟泊太湖

羅處約

三萬六千頃湖侵海內田逢山方得地見月始知天南
國吞將盡東溟勢欲連何當洒為雨無處不豐年

過太湖

范仲淹

有浪即山高無風還練靜秋宵誰與期月華三萬頃

其二

平湖萬頃碧謝客一開顏待得臨清夜徘徊載月還

舟泊太湖

楊傑

區區朝市逐紛華不信湖心有海槎
八十丈虹寒卧影
一千頃玉碧無瑕古今風月歸詩客
多少尊鱸屬酒家
安得扁舟如范蠡烟波深處卜生涯

同前

李顥

旋經義興境頓棹石蘭渚震澤竟何
在今惟太湖浦圓
徑紫五百盼目眇無覩高天森若岼
長津襍如縷窈窕
尋彎碕迢遞望島嶼驚飈揚飛湍浮
霄漾懸岨輕禽翔

雲漢游鱗憩中許
黯靄天將陰
曉岩舟航舞
馮河安可
徇靜觀戒行旅

太湖阻雨

孫覲

白首對瀧吏
駢顏媿逐臣
溪山不改色
風雨解留人
輒知天意漂浮住
此身紛紛小兒女
何必淚沾巾

大霧中自胥口渡太湖

范成大

白霧漫空白浪深
舟如竹葉信浮沉
料頭晏起吾何敢
自有山川印此心